

JAVNA USTANOVA OSNOVNA ŠKOLA "MIRSAD PRNJAVORAC" VOGOŠĆA

PRAVILNIK
O KRITERIJIMA ZA STICANJE I RASPODJELU
VLASTITIH PRIHODA
JU OŠ "MIRSAD PRNJAVORAC" VOGOŠĆA

VOGOŠĆA, Mart 2018. godine

Na osnovu člana 129. Pravila JU OŠ "Mirsad Prnjavorac" Vogošća, a u vezi sa članom 7. Uredbe o utvrđivanju vlastitih prihoda, načina i rokova raspodjele («Službene novine Kantona Sarajevo» br. 51/16) te u vezi Instrukcije za donošenje Pravilnika o kriterijima za sticanje i raspodjelu vlastitih prihoda budžetskih korisnika- predškolskih ustanova, osnovnih i srednjih škola i domova učenika broj: 11-01-14-32424/17 od 02.11.2017. godine, na osnovu Saglasnosti Ministarstva finansija br. 08-01-14-37160/17 od 13.02.2018. godine, Školski odbor JU OŠ "Mirsad Prnjavorac" Vogošća, na IV redovnoj sjednici održanoj dana 15.03.2018. godine donosi:

PRAVILNIK
O KRITERIJIMA ZA STICANJE I RASPODJELU VLASTITIH PRIHODA
JU OŠ "MIRSAĐ PRNJAVORAC" VOGOŠĆA

I. OPĆE ODREDBE

Član 1.

(Predmet pravilnika)

Ovim pravilnikom u skladu sa Uredbom o utvrđivanju vlastitih prihoda, načinu i rokovima raspodjele («Službene novine Kantona Sarajevo» br. 51/16) i u skladu sa Instrukcijom za donošenje pravilnika o kriterijima za sticanje i raspodjelu vlastitih prihoda budžetskih korisnika- predškolskih ustanov, osnovnih i srednjih škola i domova učenika utvrđuje se vrste, osnov sticanja, visina naknade i raspodjela vlastitih prihoda u JU OŠ "Mirsad Prnjavorac" Vogošća (u daljem tekstu: Škola)

Član 2.

(Vlastiti prihodi)

Vlastiti prihodi koje ostvari Škola, su javni prihodi budžeta Kantona Sarajevo, a raspoređuju se u skladu sa ovim Pravilnikom.

Član 3.

(Ostvarivanje vlastitih prihoda)

- (1) Pod vlastitim prihodima podrazumijevaju se prihodi koje Škola ostvari obavljanjem osnovne djelatnosti i ostalih poslova na tržištu.
- (2) Pod vlastitim prihodima ne podrazumijevaju se prihodi koje Škola ostvari obavljajući osnovnu djelatnost propisanu zakonom ili drugim propisom o osnivanju, za koju je propisana utvrđena visina naknade za uslugu koje pružaju pravnim i fizičkim licima, kao ni prihodi ostvareni u internom poslovanju budžetskih korisnika na istom nivou vlasti.

Član 4.

(Uplata i evidentiranje)

Uplata i evidentiranje vlastitih prihoda vrši se u skladu sa članom 4. Uredbe o utvrđivanju vlastitih prihoda, načina i rokova raspodjele («Službene novine Kantona Sarajevo» broj 51/16)

II. STICANJE VLASTITIH PRIHODA

Član 5.

(Osnove za sticanje vlastitih prihoda)

Škola stiče vlastite prihode po osnovu:

- a) organizacije i realizacije pripremne i instruktivne nastave,
- b) prodaje otpadnog materijala,
- c) prodaje proizvoda i usluga koje izrađuju učenici u toku praktične nastave,
- d) izdavanje prepisa/ duplikata dokumenata,
- e) participacija u troškovima školovanja (naknada za osiguranje učenika, nabavka zadaćnica, kopiranje, upotreba biblioteka, posjeta pozorištu, kinu, i dr.)
- f) izdavanje opreme i prostora u zakup,
- g) ustupanje tenderske dokumentacije u postupku javnih nabavki

Član 6.

(Naknada za realizaciju usluga)

- a) instruktivna nastava u grupu od 10 i više kandidata (po času).....4 KM
- b) instruktivna nastava u grupu od 10 (po času).....8 KM
- c) Izdavanje prepisa dokumenata:
 - Izdavanje prepisa/duplikata svjedodžbe.....20 KM
 - Izdavanje izvoda iz nastavnog plana i programa.....60 KM
- d) Participacija u troškovima školovanja: u skladu sa Instrukcijom kojom se definiše visina participacije, koju donosi ministar za obrazovanje, nauku i mlade Kantona Sarajevo.
- e) Izdavanje opreme i prostora u zakup: izdavanje prostora u zakup, kao i visinu naknade za zakupninu utvrđuje školski odbor, a u skladu sa zakonom i podzakonskim aktima koji reguliše izdavanje poslovnih zgrada i prostorija.

Član 7.

(Visina naknade za posebne i specijalizovane programe)

Visina naknade za realizaciju posebnih i specijalizovanih programa, koje realizuje Škola, utvrđuje Školski odbor, uz prethodnu saglasnost ministra obrazovanja, nauke i mladih Kantona Sarajevo.

Član 8.

(Visina naknade za realizaciju ostalih usluga)

Visinu naknade za usluge koje realizuje Škola, a koje nisu obuhvaćene članom 6. i 7. ovog Pravilnika utvrđuje Školski odbor.

III. RASPODJELA VLASTITIH PRIHODA

Član 9.

(Raspodjela stečenih vlastitih prihoda)

Vlastite prihode koje je Škola ostvarila u cjelosti se raspoređuju Školi.

Član 10.

(Način raspodjele vlastitih prihoda)

- (1) Prihodi iz člana 5. stav (1), tačka a) ovog Pravilnika se raspoređuju se na slijedeći način:
 - a) 15 KM naknade za jedan čas nastavniku koji izvodi pripremnu i instruktivnu nastavu,
 - b) Ostatak prihoda dijeli se na slijedeći način:
 - 1) 20% za naknade ostalim radnicima izvan nastave koji sudjeluju u realizaciji poslova;
 - 2) 40% za materijalne troškove, tekuće održavanje i nabavku opreme;
 - 3) 40% za stručno usavršavanje, sportske i kulturne aktivnosti, takmičenja, nagrade učenicima i ostale namjene.
- (2) Prihodi iz člana (5) stav (1), tačka b), c) ovog Pravilnika se raspoređuju na slijedeći način:
 - a) 20% za materijalne troškove, tekuće održavanje i nabavku opreme;
 - b) 80% za stručno usavršavanje, sportske i kulturne aktivnosti, takmičenja, nagrade učenicima ekskurzije i ostale namjene.
- (3) Prihodi iz člana (5) stav (1), tačka d) ovog Pravilnika se raspoređuje na slijedeći način:
 - a) 40% za materijalne troškove, tekuće održavanje i nabavku opreme;
 - b) 30% za naknadu radnicima koji su sudjelovali u realizaciji poslova
 - c) 30% za stručno usavršavanje, sportske i kulturne aktivnosti, đачke ekskurzije, takmičenja, nagrade učenicima i ostale namjene,
- (4) Prihodi iz člana (5) stav (1), tačka e) ovog Pravilnika raspoređuje se u skladu sa Instrukcijom kojom se definiše visina participacije, koju donosi ministra za obrazovanje, nauku i mlade Kantona sarajevo.
- (5) Prihodi iz člana (5) stav (1), tačka f) i g) ovog Pravilnika se raspoređuje na slijedeći način:
 - a) 70% za materijalne troškove, tekuće održavanje i nabavku opreme;
 - b) 30% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

Član 11.

(Korištenje vlastitih prihoda za plaće)

- (1) Budžetski korisnici vlastite prihode koriste za plaće i naknade radnicima u slučaju da stiču sredstva po osnovu tačaka: a) i d) iz člana 5. ovog Pravilnika o kriterijima za sticanje i raspodjelu vlastitih prihoda JU OŠ "Mirsad Prnjavorac".
- (2) U drugim slučajevima budžetski korisnici prihode za plaće koriste samo u izuzetnim slučajevima uz saglasnost Ministarstva za obrazovanje, nauku i mlade.

IV. PRAĆENJE NAPLATE I RASPOREĐIVANJE VLASTITIH PRIHODA

Član 12.

(Praćenje naplate i raspoređivanje vlastitih prihoda)

- (1) Škola je dužna da redovno prati, putem izvještaja koje dobija od Ministarstva finansija, dospelost i naplatu vlastitih prihoda.
- (2) Škola je odgovorna za potpuno i pravovremeno uplaćivanje vlastitih prihoda na depozitni račun.
- (3) Škola je dužna da ostvarene i naplaćene vlastite prihode rasporedi na rashode u finansijskim mjesečnim planovima izvršenja Budžeta.

V. KONTROLA UTROŠKA VLASTITIH PRIHODA

Član 13.

(Izvještaj o utrošku)

Škola najmanje jednom u šest mjeseci Ministarstvu za obrazovanje, nauku i mlade dostavlja izvještaj o sticanju i utrošku vlastitih prihoda.

VI. ZAVRŠNE ODREDBE

Član 14.

(Stupanje na snagu)

- 1) Ovaj Pravilnik stupa na snagu odlukom Školskog odbora, a poslije dobijenog mišljenja od Ministarstva finansija Kantona Sarajevo i saglasnosti Ministarstva za obrazovanje, nauku i mlade Kantona Sarajevo.
- 2) Stupanjem na snagu ovog Pravilnika, prestaje da važi Pravilnik o korištenju vlastitih prihoda Škole broj: 01-87/2017 od 03.02.2017. godine.

Broj:01-372/2018

Datum: 15.03.2018. godine

Secretar:
fil



Predsjednik Školskog odbora

Emir Kalajdzija
Emir Kalajdzija, MA

Bosna i Hercegovina
Federacija Bosne i Hercegovine
Kanton Sarajevo
Općina Vogošća
Osnovna škola "Mirsad Prnjavorac" Vogošća
Jošanička 51, Vogošća

sekretar: 

Broj:01-367/2018
Dana, 15.03.2018.godine

Na osnovu člana 94. Zakona o osnovnom obrazovanju KS („Službene novine KS" br. 23/17) i člana 87. Pravila JU Osnovne škole "Mirsad Prnjavorac" Vogošća, a na osnovu saglasnosti Ministarstva finansija br. 08-01-14-37160/17 od 13.02.2018. godine, Školski odbor na IV redovnoj sjednici održanoj dana 15.03.2018. godine donosi

O D L U K U
o usvajanju Pravilnika o kriterijima za sticanje i raspodjelu vlastitih prihoda

I

Usvaja se Pravilnik o kriterijima za sticanje i raspodjelu vlastitih prihoda JU OŠ "Mirsad Prnjavorac" Vogošća.

II

Odluka stupa na snagu danom donošenja.

III

Stupanjem na snagu ovog Pravilnika prestaje da važi Pravilnik o korištenju vlastitih prihoda Škole broj: 01-87/2017 od 03.02.2017. godine

Dostavljeno:

1. Direktorici škole
2. Računovodstvu
3. Arhivi škole



Predsjednik Školskog odbora


/ Emir Kaladžija, MA /



Broj: 08-01-14-37160/17
Sarajevo, 13.02.2018.godine

JU OŠ „Mirsad Prnjavorac“
Vogošća
Ul. Jošanička br.51

OSNOVNA ŠKOLA „MIRSAĐ PRNJAVORAC“
VOGOŠĆA
Broj: 01-254/2018
Datum: 16.02.2018. 19

V e z a: Vaši akti, broj:01-1181/2017 od 27.12.2017.godine

Na osnovu člana 7. Uredbe o utvrđivanju vlastitih prihoda, načina i rokova raspodjele („Službene novine Kantona Sarajevo“, broj:51/16), po zahtjevu budžetskog korisnika Javna ustanova „Osnovna škola „Mirsad Prnjavorac“ Vogošća, ministar finansija daje:

MIŠLJENJE

Na Prijedlog pravilnika o kriterijima za sticanje i raspodjelu vlastitih prihoda
JU OŠ „Mirsad Prnjavorac“ Vogošća

Prijedlog pravilnika o kriterijima za sticanje i raspodjelu vlastitih prihoda Javne ustanove Osnovna škola „Mirsad Prnjavorac“ Vogošća, broj:01-1172-II/2017 od 21.12.2017.godine je u skladu sa Uredbom o utvrđivanju vlastitih prihoda, načina i rokova raspodjele („Službene novine Kantona Sarajevo“, broj:51/16).



MINISTAR

Halebić
Prof.dr. Jasmin Halebić

Dostaviti:

1. JU OŠ „Mirsad Prnjavorac“
2. Ministarstvo finansija
3. a/a

Pripremili:

- Senad Mahmutović
- Nihad Kurtić
- Zejna Avdić

